



**SHERIA YA MAREKEBISHO YA SHERIA MBALI MBALI NA
KUWEKA MASHARTI BORA NDANI YAKE**

MPANGILIO WA VIFUNGU

VIFUNGU

MAELEZO

**SEHEMU YA KWANZA
MASHARTI YA AWALI**

1. Jina fupi na kuanza kutumika.
2. Marekebisho ya sheria mbali mbali.

**SEHEMU YA PILI
MAREKEBISHO YA SHERIA YA USIMAMIZI NA UHIFADHI WA
RASILIMALI ZA MISITU, NAM. 10 YA 1996**

3. Kusomwa.
4. Marekebisho ya kifungu cha 35.

**SEHEMU YA TATU
MAREKEBISHO YA SHERIA YA UVUVI, NAM. 7 YA 2010**

5. Kusomwa.
6. Marekebisho ya kifungu cha 3.
7. Kuongezwa kwa kifungu kipya cha 11A.

**SEHEMU YA NNE
MAREKEBISHO YA SHERIA YA ELIMU, NAM. 6 YA 1982**

8. Kusomwa.
9. Marekebisho ya kifungu cha 17.



SEHEMU YA TANO
MAREKEBISHO YA SHERIA YA OFISI YA MKAGUZI MKUU WA ELIMU,
NAM. 10 YA 2018

10. Kusomwa.
11. Marekebisho ya kifungu cha 8.

SEHEMU YA SITA
MAREKEBISHO YA SHERIA YA AFYA YA JAMII NA MAZINGIRA,
NAM. 11 YA 2012

12. Kusomwa.
13. Marekebisho ya kifungu cha 30.
14. Kuongezwa kifungu kipya cha 51A.
15. Kufutwa na kuandikwa upya kwa kifungu cha 58.

SEHEMU YA SABA
MAREKEBISHO YA SHERIA YA MAMLAKA YA SERIKALI ZA MITAA,
NAM. 7 YA 2014

16. Kusomwa.
17. Marekebisho ya kifungu cha 2.
18. Kufutwa kwa kifungu cha 12.
19. Marekebisho ya kifungu cha 25.
20. Marekebisho ya kifungu cha 26.
21. Kufutwa kwa vifungu vya 26A, 26B, 26C, 39A, 86A, 86B na 86C .
22. Kuongezwa kwa kifungu kipya cha 93A.
23. Kufutwa kwa Jadweli la Kwanza.
24. Kufutwa na Kuandikwa upya kwa Jadweli la Tatu.

Jadweli



SHERIA NAM. 5 YA 2021

NIMESAINI

H. Hussein Ali Mwinyi

{DKT. HUSSEIN ALI MWINYI}
RAIS WA ZANZIBAR NA MWENYEKITI
WA BARAZA LA MAPINDUZI

12 Oktobg

....., 2021

**SHERIA YA MAREKEBISHO YA SHERIA MBALI MBALI NA
KUWEKA MASHARTI BORA NDANI YAKE**

IMETUNGWA na Baraza la Wawakilishi la Zanzibar.

**SEHEMU YA KWANZA
MASHARTI YA AWALI**

Jina fupi
na kuanza
kutumika.

1. Sheria hii itajulikana kama Sheria ya Marekebisho ya Sheria Mbali mbali, 2021 na itaanza kutumika mara **tu** baada ya kutiwa saina na Rais.

Marekebisho
ya sheria
mbali mbali.

2. Sheria zilizotajwa katika sehemu mbali mbali za Sheria hii zinarekebishwa kwa namna zinavyoelezwa katika sehemu husika.

**SEHEMU YA PILI
MAREKEBISHO YA SHERIA YA USIMAMIZI NA UHIFADHI
WA RASILIMALI ZA MISITU, NAM. 10 YA 1996**

Kusomwa.

3. Sehemu hii itasomwa pamoja na Sheria ya Usimamizi na Uhifadhi wa Rasilimali za Misitu, Nam. 10 ya 1996, ambapo katika Sehemu hii itajuilikana kama "Sheria Mama".

Marekebisho
ya kifungu cha
35.

4. Kifungu cha 35 cha Sheria Mama kinarekebishwa kwa kufuta kifungu kidogo cha (3).



**SEHEMU YA TATU
MAREKEBISHO YA SHERIA YA UVUVI, NAM. 7 YA 2010**

Kusomwa. 5. Sehemu hii itasomwa pamoja na Sheria ya Uvuvi, Nam. 7 ya 2010, ambapo katika Sehemu hii itajulikana kama “Sheria Mama”.

Marekebisho ya kifungu cha 3. 6. Kifungu cha 3 cha Sheria Mama kinarekebishwa kwa kuongeza ufafanuzi wa maneno yafuatayo kwa mpangilio wake wa kiherufi:

“Ufugaji wa viumbe maji” maana yake ni kitendo cha kulea au kukuza samaki au mazao ya baharini katika mazingira ya maji”;

“Diko” maana yake ni eneo la fukwe katika kijiji ambalo kwa kawaida hutumiwa na wavuvi kushushia samaki au kugesha vyombo vya uvuvi baada ya kurejea kutoka katika shughuli zao za uvuvi vile vile hilitumia eneo hilo kwa matengenezo ya vyombo vya uvuvi na kufanya shughuli za utafiti zikiwemo ukusanyaji wa taarifa pamoja na shughuli nyengine zilizo dhinishwa na kamati za wavuvi;

Kuongezwa kwa kifungu kipa cha 12. 7. Sheria Mama inarekebishwa kwa kuongezwa kifungu kipa cha 12 mara baada ya kifungu cha 11 kama ifuatavyo:

Uanzishwaji wa Diko. 12. Kunaanzishwa diko, ikiwa kuna ulazima, katika kijiji kilicho kwenye ukanda wa mwambao ndani ya Zanzibar ambalo litaainishwa na Idara kwa kushirikiana na Taasisi husika za Serikali na litamilikiwa na Wizara”.

**SEHEMU YA NNE
MAREKEBISHO YA SHERIA YA ELIMU, NAM. 6 YA 1982**

Kusomwa. 8. Sehemu hii itasomwa pamoja na Sheria ya Elimu, Nam. 6 ya 1982, ambapo katika Sehemu hii itajulikana kama “Sheria Mama”.

Marekebisho ya kifungu cha 17. 9. Kifungu cha 17 cha Sheria Mama kinarekebishwa kwa kufuta kifungu kidogo cha (3).

**SEHEMU YA TANO
MAREKEBISHO YA SHERIA YA OFISI YA MKAGUZI MKUU
WA ELIMU, NAM. 10 YA 2018**

Kusomwa. 10. Sehemu hii itasomwa pamoja na Sheria ya Ofisi ya Mkaguzi Mkuu wa Elimu, Nam. 10 ya 2018, ambapo katika Sehemu hii itajulikana kama “Sheria Mama”.



Marekebisho ya kifungu cha 8.

11. Kifungu cha 8 cha Sheria Mama kinarekebishwa kwa kufuta kifungu kidogo cha (2) na kuweka upya badala yake kifungu kidogo kipya cha (2) kama ifuatavyo:

“(2) Ripoti ya skuli iliyokaguliwa itawasilishwa kwa Mwalimu Mkuu wa skuli na kwa Katibu Mkuu wa Wizara”.

**SEHEMU YA SITA
MAREKEBISHO YA SHERIA YA AFYA YA JAMII NA
MAZINGIRA, NAM. 11 YA 2012**

Kusomwa

12. Sehemu hii itasomwa pamoja na Sheria ya Afya ya Jamii na Mazingira, Nam. 11 ya 2012, ambapo katika Sehemu hii itajuilikana kama “Sheria Mama”.

Marekebisho ya kifungu cha 30.

13. Kifungu cha 30 cha Sheria Mama kinarekebishwa kwa kuongeza kifungu kidogo cha (2) mara baada ya kifungu kidogo cha (1) kama ifuatavyo:

“(2) Majengo au maeneo au sehemu yoyote ya majengo au maeneo hayatokaliwa mpaka kibali cha afya kitakapotolewa na Mkaguzi”.

Kuongezwa kifungu kipya cha 51A.

14. Sheria Mama inarekebishwa kwa kuongezwa kifungu kipya cha 51A mara baada ya kifungu cha 51 kama ifuatavyo:

Uvunjaji wa majengo yasiyofaa.

“**51A.**-(1) Mkurugenzi kwa maoni yake, kwa kushauriana na taasisi husika na baada ya kupata amri ya mahakama ya uvunjaji, anaweza kuvunja jengo lolote au sehemu ya jengo ambayo:

(i) imechakaa;

(ii) ina kasoro za kiujenzi;

(iii) imejengwa katika eneo la umma, eneo la wazi, njia au katika hifadhi yoyote ya barabara; au

(iv) ipo katika hali ambayo kwa kufanyiwa matengenezo au marekebisho halitoweza kuondosha usumbufu.

(2) Mkurugenzi analazimika, kabla ya kufanya ubomoaji chini ya kifungu hiki, kumtumia indhari ya siku ishirini na moja mmiliki wa jengo au sehemu ya jengo ili ahame kabla ya siku iliyotajwa katika indhari hiyo.



(3) Endapo mmiliki ameshindwa kufuata maelekezo yaliyomo katika indhari chini ya kifungu hiki, atakuwa ametenda kosa na akitiwa hatiani, atalipa faini isiyopungua Shilingi Laki Tano za Kitanzania na atatakiwa kulipa gharama za ubomoaji.”

Kufutwa na kuandikwa upya kwa kifungu cha 58.

15. Kifungu cha 58 cha Sheria Mama kinafutwa na kuwekwa badala yake kifungu kipyua cha 58 kama ifuatavyo:

Taarifa ya maradhi ya kuambukiza.

“**58.**-(1) Endapo mmiliki au mtu mwenye dhamana ya eneo lolote linalotumika kwa ajili ya makaazi ya binaadamu ana maradhi yoyote ya kuambukiza au dalili zozote za maradhi ambayo yanaweza kuleta mashaka kwamba ni maradhi ya kuambukiza, masharti yafuatayo yatafutwa:

- (a) daktari anayeshiriki au aliyeitwa kumtembelea mgonjwa, atakapotambua kuwa mgonjwa anasumbuliwa na maradhi ya kuambukiza au yanayodhaniwa kuwa amepata maambukizi, atapeleka taarifa kwa Afisa Afya wa Wilaya inayoelezea jina na jinsia ya mgonjwa, hali ya eneo, vyanzo na sababu ya maradhi ambayo, kwa maoni ya daktari huyo, mgonjwa huyo anasumbuliwa au anadhaniwa kuwa anasumbuliwa;
- (b) mgonjwa yeyote au jamaa wa mgonjwa ambaye amefanyiwa uchunguzi au anadhaniwa kupata maradhi ya kuambukiza atajuulishwa na daktari na atalazimishwa kufuata maelekezo aliyopewa na hatua zilizochukuliwa na daktari; na
- (c) mtumiaji au mmiliki wa eneo, mara atakapokuwa kuwa mgonjwa anasumbuliwa na maradhi ya kuambukiza au anadhaniwa kuwa anasumbuliwa na maradhi ya kuambukiza, atatoa taarifa inayohusiana na maradhi hayo kwa mkuu wa kituo cha afya kilichokaribu na eneo ambalo mtu huyo anaishi ambaye atamjulisha Afisa Afya wa Wilaya.

(2) Kwa madhumuni ya kifungu hiki, meli au chombo chochote, wakati kipo katika bandari yoyote ya Zanzibar, kitachukuliwa kuwa ni nyumba na nahodha, mmiliki au mdhamini wa meli au chombo hicho atachukuliwa kuwa ni



mkuu wa nyumba hiyo au mmiliki au anayeishi katika eneo hilo, isipokuwa kwamba katika hali yoyote itakayotokea kwenye meli hiyo au chombo chengine, taarifa ambayo imetajwa katika kifungu kidogo cha (1) cha kifungu hiki, itapelekwa kwa Afisa Afya wa Bandari.

(3) Mtu anayetakiwa chini ya kifungu hiki kutoa taarifa au cheti akashindwa kufanya hivyo, atakuwa ametenda kosa na akitiwa hatiani, atalipa faini isiyopungua Shilingi za Kitanzania Laki Tano au kifungu kisichopungua miezi kumi na mbili au vyote viwili faini na kifungu.

(4) Kwa madhumuni ya kifungu hiki, bandari inajumuisha bandari yoyote ya Zanzibar ama iwe rasmi au isiyokuwa rasmi.

SEHEMU YA SABA
MAREKEBISHO YA SHERIA YA MAMLAKA YA SERIKALI
ZA MITAA, NAM. 7 YA 2014

- Kusomwa. **16.** Sehemu hii itasomwa pamoja na Sheria ya Mamlaka ya Serikali za Mitaa, Nam. 7 ya 2014 ambapo katika Sehemu hii itajuilikana kama “Sheria Mama”.
- Marekebisho ya kifungu cha 2. **17.** Kifungu cha 2 cha Sheria Mama kinarekebishwa kwa kufuta ufafanuzi wa maneno “kilimo”, “ufugaji wa viumbe maji”, “mazao ya baharini” na “diko”.
- Kufutwa kwa kifungu cha 12. **18.** Kifungu cha 12 cha Sheria Mama kinafutwa.
- Marekebisho ya kifungu cha 25. **19.** Kifungu cha 25 cha Sheria Mama kinarekebishwa katika kifungu kidogo cha (1) kwa kufuta aya ya (e).
- Marekebisho ya kifungu cha 26. **20.** Kifungu cha 26 cha Sheria Mama kinarekebishwa kwa:
(a) kufuta aya (i), (j) na (n) katika kifungu kidogo cha (1);
(b) kufuta kifungu kidogo cha (2); na
(c) kukipa nambari upya kifungu kidogo cha (3) kuwa kifungu kidogo cha (2).
- Kufutwa kwa vifungu vya 26A, 26B, 26C, 39A, 86A, 86B na 86C. **21.** Vifungu vya 26A, 26B, 26C, 39A, 86A, 86B na 86C vya Sheria Mama vinafutwa.



Kuongezwa
kwa kifungu
kipya cha
93A.

22. Sheria Mama inarekebishwa kwa kuongezwa kifungu kipya cha 93A mara baada ya kifungu cha 93 kama ifuatavyo:

Miongozo. “93A Waziri anaweza kuweka viwango vya kuandaa miongozo itakayotungwa na Mabaraza katika utekelezaji mzuri wa masharti ya Sheria hii.”

Kufutwa
kwa Jadweli
la Kwanza.

23. Jadweli la Kwanza la Sheria Mama linafutwa.

Kufutwa na
Kuandikwa
upya kwa
Jadweli la
Tatu.

24. Jadweli la Tatu la Sheria Mama linafutwa na kuwekwa badala yake Jadweli Jipya la Tatu kama ifuatavyo:



JADWELI LA TATU

KIAPO AU TAMKO LA UKWELI
(Chini ya kifungu cha 29)

Mimi,, nimechaguliwa/nimeteuliwa kuwa Diwani, naapa kwamba nitaitumikia ofisi yangu na nitakuwa muaminifu katika kutimiza wajibu wangu kwa mujibu wa Katiba ya Zanzibar na Sheria zilizowekwa, ewe Mwenyezi Mungu nisaidie.

Kikao cha Pamoja kilichoitishwa katika ukumbi wa Baraza la Jiji/
Baraza la Manispaa/Baraza la Mji/ Baraza la Halmashauri ya Wilaya ya

.....
Saini

Kimeapiwa/kimethibitishwa mbele yangu Hakimu wa Mkoa leo..... Mwezi....., 20.....

UMEPITISHWA na Baraza la Wawakilishi la Zanzibar, tarehe 9 Septemba, 2021.

.....
(RAYA ISSA MSELLEM)

Katibu wa Baraza la Wawakilishi la Zanzibar.